

## **QUANNU DIU VINNI A LU MUNNU**

### **Quannu Diu vinni a lu munnu**

nni dda notti fridda e scura,  
c'à lu diri un mi cunfunnu  
ca lu dici la Scrittura.

E Maria la gran Signura  
cu Giuseppi lu so sposu,  
oramai vinni l'ura  
a Bittilemme a la campia.

La gran Matri si cririva  
ca li stissi so' parenti,  
a la vista di Maria  
c'hanna a fari complimenti.

San Giuseppi cu Maria  
si nni ieru a la campia;  
chi chiuvia e nivicava  
San Giuseppi travagghiava.

Travagghiava cu l'asciuni  
si vuscava u vastidduni.

Ti nni penti piccaturi  
di la tua divinatati,  
U Bammineddu tantu amuri  
ti pirduna li piccati.

A sett'uri si sintia  
una vuci trionfanti;  
San Giuseppi cu' Maria  
adoravanu lu 'nfanti.

Pasturedda fora fora  
tuttu nzemula agghiurnau  
e la stidda di l'aurora  
a la grutta si firmau.

E li piecuri di svignu  
ieru a tieniri cunsigghiu.

